

SCRIPT OF EVENING GOJRI NEWS BULLETIN 14MAY 2025

1700HRS

اونینگ گو جری نیوز بلیٹن مورخہ 14 مئی 2025

یوہ آکا شوانی جموں بے نصرت تے ظفر اقبال تیں خبر سُنو۔

HEADLINES

- ۱۔ ترے یاں افواج گا سربراہ نے صدر جمہوریہ درویدی مرمو نانہ اوپریشن سندھور بارے تفصیلی جانکاری دتی تے صدر جمہوریہ نے کہیو جے دبشت گردی غے خلاف بھارت غو رد عمل ایک شاندار کامیابی ہے۔
- ۲۔ جسٹس بھوشن رام کرشن گوہلی نے بھارت غا 52 چیف جسٹس غا طور ور حلف لیو ہے۔
- ۳۔ شمالی فوج غا کمانڈر نے ایل جی موصوف نانہ جموں کشمیر غی موجودہ حفاظتی صورتحال بارے تفصیلی جانکاری فراہم کی۔
- ۴۔ وزیر اعلیٰ عمر عبداللہ نے گولہ باری تون متاثرہ علاقوں غو دورو لایو تے متاثرین نانہ مکانات غی تعمیر نو مانہ مدد کرن غو وعدو کیو۔
- ۵۔ قبائلی امور غا وزیر جاوید رانا نے جاناں غا تحفظ واسطے سرحدی علاقوں مانہ بنکر بنان غی وکالت کی تے مینڈر مانہ گولہ باری تون متاثرہ علاقوں مانہ نقصان غو اندازو لایو۔

TRI SERVICES PREZ MEET

دفاعی افواج غا سربراہ جنرل انیل چوہان فوج غا سربراہ جنرل اوپیندر دیودی فضائیہ غا سربراہ ایڈمیرل دنیس کے تریپاٹھی نے اج صدر جمہوریہ درویدی مرمو تیں ملاقات کی تے آپریشن سندھور ور تفصیلاً جانکاری دتی سماجی ذرائع ابلاغ ور ایک پوسٹ مانہ سدر نے مسلح افواج غا حوصلہ تے جذبہ غی تعریف کی تے دبشت گردی غے خلاف بھارت غی کامیابی تے اُن گا کردار نانہ سہرايو۔ اس تیں پہلاں دفاعی افواج غا سربراہ جنرل انیل چوہان فوج بحریہ تے فضائیہ غا سربراہاں نے وپریشن سندھور غی کامیاب تکمیل ور تبادلہ خیال کیو۔ انہاں نے ترے افواج غے درمیان تعاون غی اہمیت نانہ اُجاگر کیو تے جدید کثیر جہتی کاروائی غو مظاہرہ کیو۔ اس موقع ور سیق دوش فوجی تے ماہرین وی شریک ہوا جنہاں نے فوج غی شراکت داری تے حکمت عملی ور زور دتو۔

TIRANGA YATRA

آپریشن سندھور غی کامیابی تیں بعد بھارت غی مسلح افواج غی بہادری نانہ سلام پیش کرن واسطے پورا ملک مانہ شاندار ترنگا یاترہ کڈی گئی یاہ تقریب فوج غا حوصلہ تے قربانی نانہ خراج تحسین پیش کرے تے قومی جذبہ غی عکاسی کرے۔ لوک بڑی تعداد مانہ شرکت کر رہیا ہیں تے مل غے قومی چھنڈو لیا رہیا ہیں۔ تے پلک جموں مانہ وی ترنگا یاترا شروع ہو رہی ہے جت شہری اس قومی جشن مانہ بھرپور حصو لیں گا تے مسلح افواج غا جواناں غو شکریو ادا کریں گا تے حمایت غو اظہار کریں گا۔ اس بارے مارا نامہ نگار غی پیش ہے ایک رپوٹ۔

OATH GAVAI

جسٹس بھوشن رام کرشن گوڻی نے اج بھارت غا52چید جسٹس گا طور ور حلف لیو ہے صدر جمہوریہ درویدی مرمو نے اج سویرے راشٹریتی بھون مانہ ایک خصوصی تقریب مانہ جسٹس گوڻی نانہ عہد غو حلف دوايو ور واضع رہ جے جسٹس بی آر گوڻی نے جسٹس سنجیو کھنہ غی جگہ لی ہے جنہاں نے گزشتہ کل عہد و چھوڑ دتو تھو حلف چاتا واں جسٹس بی آر گوڻی نے کج اس طرح کہیو۔

ARMY CMDR LG MEET

جموں کشمیر مانہ امن وامان برقرار رکھن غی کوششاں غے دوران شمالی فوج غا کمانڈر جنرل پرتیک شرما نے اج راج بھون مانہ لیفٹیننٹ گورنر منوج سنہا تیں ملاقات کی جنرل نے موجودہ حفاظتی صورتحال تیں متعلق ایل جی نانہ تفصیلا جانکاری دتی ملاقات مانہ حالیہ حالات تے خطہ مانہ امن وسلامتی واسطے سول انتظامیہ تے حفاظتی دستاں غے بشکار تعاون ور گل بات ہوئی۔

CM URI VISIT

وزیر اعلیٰ عمر عبداللہ نے یقین دوايو کہ حکومت قبضہ لکیر غے قریب پاکستانی گولہ باری تیں متاثر گھراں نانہ دوبارہ تعمیر کرن واسطے ہر ممکن مدد فراہم کرے گی انہاں نے اڑی غا متاثر علاقوں جسراں کہ سلاماباد، لگا ما، بانڈی تے گینگل غو دورو کیو تے کہیو عوام غا درد اُنواسطے ذاتی معاملو بے اعلیٰ حکام غے ہمراہ وزیر اعلیٰ نے متاثرہ خانداناں تیں ملاقات کی تے اُن غا حوصلہ غی تعریف کی۔ ذرا ع ابلاغ نال گل کرتا واں وزیر اعلیٰ عمر عبداللہ نے اس طرح کہیو۔

RANA MENDHAR VISIT

قبائلی امور غا وزیر جاوید احمد رانا نے قبضہ لکیر غے نیرے رہن آلا نانہ گولہ باری تو بچن واسطے لازمی بنکراں غی ضرورت ور زور دتو مینڈھر مانہ گولہ باری توں متاثرہ علاقوں غا اپنا دوجا دورہ ور وزیر موصوف نے نقصان غو جازیز لیو تے متاثرہ خانداناں مانہ مکمل حکومتی مدد غی یقین دوايو جناب جاوید نے عہداراں نانہ ہدایت دتی جے وے عوامی ڈھانچہ غی بحالی غو منصوبو بناویں تے معاوضہ غی ادائیگی مانہ جلدی کریں جناب رانا نے فوری کارروائی ور زور دیتا واں معمول غا حالات نانہ بحال کرن تے کمزور سرحدی علاقوں مانہ رہن آلی برادری غا تحفظ تے راحت نانہ یقینی بنان واسطے ہر عزم کرششاں ور زور دتو۔

UDHAMPUR SCHOOL BYTES

بھارت تے پاکستان غے بشکار حالیہ جنگ بندی غے بعد ضلع ادھمپور مانہ زندگی معمول ور آرہی ہے سرحد ور کئی تہاڑاں توں جاری کشیدگی اُن ختم ہو چکی ہے زندگی غا معمول غے مطابق واپسی غو ایک بڑو اشارو سرکاری تے نجی دوئے طرح غا سکولوں گو دوبارہ کھلنو ہے جھپڑا جے حفاظتی خدشات غی وجہ توں تقریباً ایک ہفتہ توں بند تھا۔ سکولی ور دی لاغے جوش و خروش سنگ بچاں نے کلاس کمرہ مانہ واپس اتاں واں تے بغیر کسی رکاوت غے اپنی تعلیم نانہ دوبارہ شروع کرتا واں دیکھیا گیا اس سلسلہ مانہ بولتا واں کج طالب علمان نے اس طرح کہیو۔

RAMBAN DAIRY

رام بن مانہ بہت ساری خواتین نے انٹی گریٹڈ ڈیری ڈیولپمنٹ سکیم غے ذریعے خود کفیل بن رہی ہیں۔ جہیرو کہمالچوکھر محکمہ نے شروع کیو بے اس سکیم غے تہت بینک قرضہ ور 50 فی صد ریایت دتی جارہی بے۔ جس غی مدد تیں لوک زیادہ دودھ دین آلی گان نانہ خرید غے چھوٹو دودھ غو کاروبار شروع کر رہی ہیں۔ یوہ کاروبار دیہی علاقان غا خاندانان نانہ مالی طور و مضبوط تے خواتین نانہ باختیار بنا رہیو بے۔

JK EDI

جموں کشمیر سرکار غا کاروبار تے ترقی ادارہ محکمہ نے کشتواڑ ضلع مانہ ریمپ اقدام غے تحت ۴ بفتان گو کاروباری تے ہنر مندی غا فروغ واسطے پروگرام شروع کیو بے جس نانہ نیکا چھوٹا تے درمیانہ درجہ غی وزارت تے عالمی بنیک کشتواڑ مانہ افتتاح کیا گیا اس پروگرام مانہ کاروباری مہارت مارکیٹنگ تے کاروباری بندوبست مانہ ایک سو ۴ گھنٹہ غی تربیت حاصل کرن آلا 30 خوابش مند کاروباری افراد شامل ہیں مرکزی زیر انتظام علاقہ غی وسیع کوششان غا ایک حصہ مانہ اس پروگرام غو مقصد نوجوانان نانہ جموں کشمیر غا تمام ضلاع مانہ کاروبار نانہ فروغ دیتا وان پایدار منصوبہ شروع کرن تے روزگار نانہ تخلیق کار بنان واسطے عمل آلات توں آراستہ کرنو بے۔
